


大寧縣志

卷



雍正庚戌重訂

大

寧

縣

誌

縣署藏板

重輯大寧志序



僕總角時卽喜讀史尤
樂手抄忠孝節義事取
其贊揚治化鼓勵風俗
不然縱事跡駭怪僻義
華瞻輒概置弗錄或嘗

序

一

僕不得讀史法僕性有
癖嗜弗恤也我

雅意作人廣旌善類忠孝
節義亘古希有僕受

命知寧邑事索讀志書見某
也孝某也節某也慷慨

好義蓋

聖澤覃敷不限於荒山
皇仁廣被不遺於僻壤也然
自馮劉兩君外輯志者
無聞焉四十年來大典
缺如非所以激揚風化

序

仰答

朝死之義也僕蒞任甫六
月恭遇

諭旨纂修通志將

本朝鄉賢名宦孝子節婦一
應事實先造草檢送統

志館是以

各憲飛檄采訪忠義節孝
補輯志書以憑核轉即
今之輯志用以作忠勸
孝砥節厲行其有功於
朝廷甚六肅夫公三各達

序

三

天

聽其有德於斯民甚厚著
之簡冊而昭明垂之百
世而不泯其有關於世
道人心至宏且鉅豈萬
如從前藏署舍備一方
之典故已哉笑以王事

執掌每懷靡及未遑
管城硯田業因訪學行
兼優士劉子文瀾曹子
振公蓋似柳陶菴爾先
生後裔也爰屬以此任
二子則遙謝再三焉僕

序

四

曰班馬世掌史事爲千
秋佳話二子續前人業
以光大典何辭爲况
子詢及芻蕘愚夫輒効一
得千載竒逢於茲快
二子應驚喜過望寧

作書生態負

當今雅意乎二子欣領之遂
登峰頂僻處與外人隔
借高山流水之音爲蘸
筆點墨之樂莫莢更而
功遂竣僕數數翻閱見

序

五

其浮濫者刪殘缺考補
言簡事詳信而有徵自
康熙庚午後四十餘年
事皆煥然一新焉間載
詩詞文集無非風化攸
關以及孝行節義類多

窮民編戶蓋信志也持
此送志館卽信史也昔
左氏羽翼麟經浮夸或
不免子長奪人酒杯自
澆塊壘亦非史氏正局
二子至公至慎紀事從

序

六

九

重之采擇對

夫齊史董狐意於以供
各憲之博訪贊揚治化鼓
勵風俗其功豈不偉哉
在二子固可爲前人

而僕總角讀史樂得忠
孝節義之志亦暢然而
無憾矣至於志書之源
流寧志之編集前人序
之詳矣僕固可以不贅
雍正八年歲次庚戌姑

序

七

洗月知大寧縣事勅海
杜瑾蘊奇氏序



右無所謂志自伯翳撰山海經紀靈祇異域及鳥獸
草木蟲魚文雖古然多曠而不經惟禹貢蓋山水形
勝綜田賦物產而上下之詞簡意核其志書之鼻祖
乎周禮倣其意有職方氏班孟堅作漢書有地理志
厥後國有通志郡邑有郡邑志皆得詳具圖籍藏之
政府以爲總攬天下之大綱焉志非守土者之要書
哉余以宰晉屈觀山川佳秀人物清奇索錄志觀其
勝吏曰無有崇正五年賊火連七日刻僅一市半化

原序

八

冷烟去矣余聞之殊悵然卽欲謀纂修等至寧事者
久之但寧地山秀而多官驅牛斫天半翠白石磷磷
嘉禾不得長是以民苛窮而適賦累年年也爲令者
經年對鬼形人索糧雀眼淚心血拂拭且不及尙有
逸興作著述想乎八月間奉上檄志在必成余甚喜
副吾初願而一特別務執掌仍不暇爲捉筆人也因
屬邑人劉子似柳曹子陶菴代爲之兩人廣搜博採
刻期旬日纂書成八卷以來余披閱數過其山川形
勢戶口丁徃地畝錢糧及風俗人物疆圉阨要等項

俱分門別類譜載周詳郁郁麗麗成一邑完書矣
然志之作也非但爲山城文獻具目前美觀而已
將附通志上而佐翰院一統志之採擇乎况
閣部條奏及此原以戶口賦役人物風俗爲急急而
意不在山水間也寧邑戶口凋耗賦役疲困一片流
離酸鼻之狀據劉曹二君描回逼真持此達政府
幸而恭遇

睿覽焉不啻足蹈荒山親見寧民屈羸矣有不從而垂

憐者乎而風俗之維挽人文行誼之感興鼓舞是則

原序

九

有司者事也茲以後當與寧之人共勉矣

重訂寧志舊序

邑侯 劉芳永

大寧誌自崇正壬申一炬後久爲華陀青囊經矣越
康熙壬子前令馮君纂成之凡八卷四冊類類披讀
寧地寧事寧人瞭然在目守土者資以爲治何能
考但指屬壬子而之今垂二十年其方輿雖云如故
而建元不無增補職官不無陞遷賦役不無損益以
及人文之丕變與夫節孝之事久論定種種漸積又
非昔觀則續編之役正適當吾時也其敢委置膜外
坐視文獻之有缺乎况寧地簡僻無事官其地者

舊序

十

課之暇更宜讀書因與耆儒若許人講學論之道義
相勗當茗醪菜飽之餘案攤邑乘聚頭共觀平心商
確於某冗也刪之某缺也補之某疑也闕之旋訂旋
錄不月餘而寧之新誌成乃重鑄梨棗藏之署舍而
一方之典故以備余因念誌者記也記事記言史例
也一邑之誌卽一邑之史誌旣成千萬人之耳目俱
屬矣好則指之爲龍門蘭臺否則指之爲陳壽崔浩
况以縣宰忝預其間一邑之事與人皆以宰爲主敢
天公矢慎致觀者之或有摘議乎易曰修辭

誠誠則慎慎則公故大書特書之下事皆鑿鑿人必
表表而文藝詩詞一準諸政教風化之最相關而止
非是則不敢妄置一喙濫下一筆噫能如是是以誌
爲治卽以兢兢於治之心爲誌而一邑之信史以彰
矣庶可舉以似觀者而無媿乎苟非然者是身標之
鵠而待人以黃矢相加也何如無事於誌之愈書成
余於例當有序故序之

重訂寧志舊序

邑人 劉而介

寧故無志明萬曆初紹溪吳公以郡倅督餉行部至
邑因愛山水之奇風烟之美撰爲七記雖非完書而
邑之有志也自此始後天啓間環海王公以外翰視
篆事念文獻之徵典不容缺命前孝廉海若安先生
督其事先生冥搜博取勒成一家言則寧之有成書
也又自此始迨其季也遭權槍之亂煌煌圖書付之
一炬遂化爲寒灰冷燭以去豈不重可惜哉壬子秋

詔修

舊序

十二

大清一統志 部檄各直省及府州縣各彙志書以進

時儀生馮父母哀集綜核而余等被讐參閱其間似
刻期旬日雖勉強告成不無掛一漏萬之失幸遇

鍾原劉老父母博雅才也三年政成之暇慨然以重

修爲念卜期開館日與余七人俱凡酒坐琴言詩話
茗飲之次摘瑕拈疵芟煩補缺不閱月而書以告成
例得有言余其爲糠粃之導可乎因思一統云者誠
以前代之得天下從未會歸於一而我

清受命凡天下無間海內外悉一版圖咸臣

我故也噫典甚盛哉昔者聖王之治天下五載一巡狩群侯肆朝皇帝清問下民百姓得見天子而言情凡一切利弊無不周知其故灼見其隱而興之革之治化以成自此制一廢人主居深宮之中門以外不啻萬里焉民隱無由上聞天恩不以下及賴有志書在一展玩披閱之而天下之大四海之遠不啻几席間事若然則志書者合巡狩朝覲之典而兼之而志顧不重哉雖然作志如圖工然夫画家寫照或人物或山水或花卉鬚眉衣褶未嘗不宛肖也跌立流止

舊序

十三

未嘗不備具也花葉枝幹未嘗不逼真也今志寧之圖索山川田賦戶口官師選舉忠孝節烈等猶人物之鬚眉衣褶也猶山水之跌立流止也猶花卉之花葉枝幹也無不與他邑同而至於利病苦樂之故較他邑則天淵矣雖虎頭之筆亦且奈之何哉然今亦概謂之邑而概謂之志是又管窺之志外可乎

重訂寧誌舊序

邑人曹續祖

歲壬子前任馮明府編邑誌予實隨同人後代爲搨
刀一時爲期敦迫校勘未精而疵謬不乏三十年來
一屢卷一媿悔耳恭遇

邑侯鍾翁劉公學博而有史才三年改成乃別出手眼
取前誌重訂之而仍以參考繕錄之後屬之邑人士
則予又在其列也當此時以愆沸吹蒸之人能不爲
改頭換面之計耶因與同事約纂輯之法務以簡明
爲主而悉心磨研必期無一不當而止是以於論斷

舊序

古

之瑣聒欵例之混淆以及書法之過於倖直者悉爲
鈎除改正之而耳目始爲一清至地理天星風景人
物描眉画眼逼現本色不復仍借鉛華若乃節孝續
入必反復核實雖破情面不敢寬假卽藝文小道亦
必取反經歸正足以感發人心者衡量收錄而風雲
月露之章擯不得竄入其中其他分門別類應增應
刪雖一字魯魚半星疵垢必銀鍊洗刷不遺餘力如
是者凡一閱月而草以具鍾翁過而勞之日不佞素
公慎以著此書而君等勤勞贊之成雖一邦小乘不

比國史觀然方之廿一史差真矣史自春秋
信筆如左氏失之誣國策失之誇司馬子長是非
於聖人溫公通鑑爲典刑總會猶不免後人之議其
他可知矣此志也書荒山窮僻之狀士民朴魯之風
語語實錄筆筆寫生見者可不問而知其爲大寧也
晉乘傳信其賴有此乎可以付殺青行世矣予拜手
謝曰使君許與幾過當誌寧邑者一大帳簿耳我輩
警司書吏搦管登記幸免疵謬如壬子焉足矣敢非
儉而儼之史况使君家學治魯史得康侯闡明書法
舊序

五

之傳以經學爲史學是吾師也願學焉一職方小技
奚足云